



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 23/09/2021

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesesch fir Kultur weiderzeleeden.

Fir de Patrimoine an déi materiell Kultur zu Lëtzebuerg z'erhalen, subventionéiert a finanziert de Kulturministère all Joers eng Unzuel u Projeten. Verschidde Projeten, déi méi ëmfangräich sinn an deemno och méi Sue kaschten, mussen iwwert eng öffentlech Ausschreibung gemaach ginn. Esou wëllen et déi europäesch Reegelen iwwert d'Marchés publics an och eis national Gesetzer.

Wien allerdéngs am Staatsbudget oder an den Aktivitéitsberichter vum Kulturministère, dem Centre national de recherche archéologique oder dem Service des Sites et monuments (SSMN) no Informatiounen iwwert éischter méi kleng Projete sicht, dee fënnt hei net wierklech vill iwwert den Ëmgang mat de Steiergelder eraus.

Beim SSMN ass zum Beispill ze liesen, dass ee fir 150 Projete ronn 7,6 Milliounen Euro ausginn huet. Méi detailléiert Chifferen an Informatiounen, zum Beispill wéi eng Persoun oder Firma op wéi engem Schantje wéi een Optrag krut, fënnt een an dësem Rapport net.

Aus Transparenzgrënn wier et awer wichteg ze wëssen, wéi eng Projete mat wéi vill Steiergelder finanziert ginn an ob och kompetent Firmen dës Opträg kréien. Des Weidere kéint de Contribuabelen sech esou ee kloert Bild iwwert den Ëmgang mat Steiergelder am Beräich vum Patrimoine maachen.

An deem Zesammenhang wéilt ech der Ministesesch dës Froe stellen:

1. Bei wéi vill Projete vum SSMN goufen an de leschte fënnef Joer öffentlech Ausschreiwunge gemaach, a bei wéi vill Projeten net?
2. Wéi ass déi genee Prozedur bei Projeten, déi keng öffentlech Ausschreibung brauchen?
3. Wéi eng Moosname sinn an der Prozedur fir Projeten ouni öffentlech Ausschreiwunge virgesinn, fir eventuell oder potenziell Interessekonflikter oder Favoritismus ze



verhënneren?

4. Wéi ass séchergestallt, datt de staatleche Service, deen d'Projeten auswielt, net och deen nämmelechte Service ass, deen d'Suen un d'Optragsnehmer verdeelt?
5. Wou kënnen Betriber sech mellen, déi Interessi an de néidege Know-how hunn fir bei Projeten ouni ëffentlech Ausschreibung matzemaachen?
6. Wien waren an deene leschte Joren déi fënnef gréissten Optragsnehmer vu Projeten ouni ëffentlech Ausschreibung? Wéi vill Opträg hunn déi fënnef gréissten Optragsnehmer krut a wéi vill Euro sinn un déi eenzel Firmen ausbezuelte ginn?

Mat déiwem Respekt,



CLEMENT Sven

Député

